

Chin thilthuam hna

Maroondah khua um Chin milu lawmhnaak caah, Kawlram chung pengtlang dangdang in thilthuam thimnak hi Croydon le Ringwood East i a pawngkam khuachung chawlehthalnak i Chin mibu he ruahnak cheuhnak in thim a si.

Cu pengtlang nih cun thilthuam tah ning phunphun an ngei, cu hna ahcun backstrap thiamtah dan, warp-faced plain thiamtah dan, weft-faced plain thiamtah dan, twill le weft twining hna an i tel. Seh le kut in thiamtahnak pahnih fonh in, thil puan pakhat cio cu ni sunglawi ah hni bantuk in i hruk ding in sermi an si.

Design hna i a biapi bikmi hna cu a fiang tein a lang mi a tung lei le a pheii lei line hna hmannak le lungvar asiloah zigzag muisam hmannak hna an ii tel.

Thilthuam pakhat cio pawng ah Mirang holh, Hakha Chin le Kawl holh in fianternak a um.

Maroondah khua i Artl kong tam deuh in hngalh na duh ahcun QR code kha scan tuah, asiloah www.maroondah.vic.gov.au/ArtsInMaroondah ah zoh



Ngotekherh

Mizo ram in a rami, hi thilthuam hi nu he pa he i hruk khawh a si. A hramthawk ahcun pa pawl nih ramvaih caan ah an rak hman, thilthuam cu chun ah a tawi deuh in an thleh i zan ah ihphah khuh ah an hman. Phunglam lam laam ah siseh, ni sunglawi hna ah siseh hruk khawh a si. A zawng pawl cu hand-dyed an si i la cu seh in sermi backstrap loom in an tah.

Zomi Tedim

Seh in sermi backstrap loom ah la le pula in tahmi, hi phun dang te a si mi design hi nu pawl nih rawl ṭuan caan puai le lailam laam caan ah an ii hruk tawnmi a si.

Mizo Puanchei

Mizo ram in, Puanchei cu 'ttamh mi puan' tiah leh a si.
Hand-dyed tuahmi lapar in seh in tahmi, Puanchei cu
azawng phunphun in sermi a si i biakinn le Rawl Ttuan
Puai tibantuk puai sunglawi ah hruk a si.

Mizo Puanlaisen

Backstrap loom ah hand-dyed tuah mi lapar in seh in tahmi, hi thilthuam cu thitumnak puai ah a tthiummi hna hruk ding caah chiahmi a si. A tanglei a sawhmi fei hna cu ralthatnak le teinak hmelchunhnak an si.

Hakha Chin

Kawlrām thlānglēi Hakha Chin mi tlawmte sin in, hi thilthuam hi thitumnak puai, Chin Miphun Ni le Chin Rawlṭuan Puai tibantuk ni sunglawi hna ah hni bantuk in an ii fenh bik.

Azawng phunphun in tahmi, a sen le a nak cu a tlangpi in an i hruk bik. Hi thilthuam nih a langhter mi hna cu a tung in ummi hri pahnih le a pheilei in um mi hri hna an si, cu hna cu lungvar pattern hme tete in an khuh hna.

Hakha Chin

Hi thiamtah ning lam cu backstrap loom seh hmangin tuah khawh a si - cuka ahcun a hmet ngan aa dangmi fung pawl kha aa dangmi tahning sernak caah an i thleng.

A chah ngaimi suaisam nih lungvar kha a cuan ter.

Hi thilthuam hi nunphung puai hna asiloah Kumthar, Christmas le thitumnak tibantuk ni sunglawi caan hna ah nu hna nih hni in an ii fenh.

Hakha Chinland

Hi lai thilthuam hi nunphung puai ah siseh, thitumnak,
Christmas asiloah Kumthar tibantuk ni sunglawi hna ah,
pa pawl nih an liang ah an i aih tawn.

Hi thiamtah ning cu backstrap loom seh hmangin tuah
khawh a si i cu ah cun a hmet le ngan aa dangmi fung pawl
kha pattern sernak caah an i thleng. A chah ngaimi suaisam
nih lungvar kha a cuan ter.

Falam

Hi Falam Chin thilthuam cu a hringmi hmannak ah a minthang mi asi. Thilthuam cu backstrap loom seh hmangin tah a si. Hi hlanlio thilthuam cu a tlangpi in ngun le dar hlawn thilri hna he hruk tti a si.